

sin pfand ist, an arg und an geferde. Actum^{c)} dominica post undecim milia virginum anno quo supra.

a) alles durchgestrichen b) folgt durchgestrichen Czet c) folgt durchgestrichen feria

380.

1424 Oktober 23

Petrus Wiße bekennt eine Schuld und verpfändet einen Acker.

fol. 58v ^(a)Wiszet das vor uns komen ist Petrus Wisze, unser mitburger, und hat bekanth, das er des Fynenbatticherz stýfsone schuldig sie 39 rynischze guldein, dy er inne haben und der gebruchen sal, alz von dese nest vorgangin sente Michelz tag vordir hen obir dry jare. Und wenne dy dry jar uz komen, so hat er gereth und globit, om sin golde gutlichen zu richtene und czu bezalen und hat om dar vor zu pfande yn gesaczt eyn stugke ackers, gelegen yn lehen. Ab er sümigk worde an der bezalunge, das er sich sines obgschr(iebenen) gulden vor ydermenlichen dar an erholen sal, den mag vorsezczzen adir vor kauffin an idermannes insprache den acker haben, wir Hanszin Jacoff zu des jüngen hant mit eym czeichen geligen zcu eyn pfande, alz oben geschr(ieben) stet. Actum feria secunda post Luce evangeliste anno domini MCCCCXXIII^o.

a) alles durchgestrichen

381.

1424 Oktober 19

Conrad Holzschuher bekennt eine Schuld.

fol. 59r ^(a)Wiszet das Cunrad Holczschuwer komen ist in unsern siczczenden rath und hat bekanth, das er Clauszen ym Sagke jungiste kynde schuldig sie 8 rynischze gulden, dar von er om gebin sulle jerlichen 15 gr zu czinsze, biz das er om abe geloset. Actum feria quinta post Luce evangeliste anno domini MCCCCXXIII^o.

a) alles durchgestrichen

382.

1425 April 14

Jost Orlen verpfändet Äcker und Wiesen.

fol. 59r ^(a)Wisset das vor uns kome ist Jost Orlen und hat zu willigem pfande yn gesaczt Josten Sulfleischz syne egkere und wysen vor hundirt und 40 guldin,